

TEMA: "SU DESTINU"

Ogni cosa chi naschiti dae minore
Su tempus de passare ha decretadu
Sianta in allegria, e in dolore
A su destinà chi sa sorte ha dadu
Non podet fues si es sentenziadu
Dae s'Onnipotente criadore,
Su destinadu in bona o mala sorte
Es dae cando naschiti asa sorte.

Si de tottu padronu es su destinu
Siat pro ogni aventura risolutu
Tristu achie sentenza l'ada iscutu
A su postu non marcat poverinu
Si sarvat s'es propostu in su trainu
E annegare si podet in s'asciutu
Siat presente, vuturu, o passadu
Cheret narrer chi gai es destinadu

2

Siat de gioia tristura o dolore
De ognunu sa vida palesada
In edade minore o avanzada
De lutu de disgrazia o de rancore
Iscarsa o de salute superiore
podet esser chi gai i decretada
Mai niunu si est iscampadu
De suc'at su destinu mesuradu

3

Cosichè abrazare nos cumbeniti
Tottu su chi in destinu supraveniti.

AUTORE:

PIETRO MARTEDDU
ORANI